



«13» օգոստոսի 2018թ.

0047, ՀՀ, ք. Երևան, Նորք-Մարաշ, Ա. Արմենակյան 129
☎ (374-10) 65-05-53, 65-46-95
Ֆաքս. (374-10) 65-16-60

Որոշում N 21

Վարչական փուլի նշանակելու մասին

ՀՀ առողջապահական և աշխատանքի տեսչական մարմնի ղեկավար Հովհաննես Նավասարդյանս ուսումնասիրելով.

1. Երևան քաղաքի Դրոյի փողոցի 8/1 շենքի թիվ 12 բնակարանի բնակիչ Արմեն Գրիգորյանի N 2256-18 դիմումը
2. 16.07.2018թ.-ի N 01/980-18 գրությունը
3. 24.07.2018թ.-ի թիվ 395-Ա հրամանը՝ զննում իրականացնելու վերաբերյալ
4. 25.07.2018թ.-ի N 4043-18 ծանուցումները՝ զննում իրականացնելու վերաբերյալ
5. 25.07.2018թ.-ի N 2755-18 բացատրագիրը՝ ներկայացված «Սևակ» համատիրության կառավարիչ Անուշավան Հայրապետյանի կողմից՝ զննման ընթացքում արձանագրված խախտումների վերացման ուղղությամբ տարված աշխատանքների վերաբերյալ
6. 31.07.2018թ.-ի զննման արձանագրությունը
7. 02.08.2018թ. թիվ 23 վարչական իրավախախտման վերաբերյալ արձանագրությունը
8. 07.08.2018թ. N 01/1267-18 ծանուցագիրը՝ արձանագրված խախտումների հետ կապված վարչական իրավախախտումների վերաբերյալ գործի քննությանը մասնակցելու վերաբերյալ

9. 25.07.2018թ.-ի N 2758-18 զեկուցագիրը՝ ներկայացված «Սևակ» համատիրության կառավարիչ Անուշավան Հայրապետյանի կողմից՝ զննման ընթացքում արձանագրված խախտումների վերացման ուղղությամբ տարված աշխատանքների վերաբերյալ

Պարզեցի

1.Նկարագրական մաս

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետը և հաշվի առնելով Երևան քաղաքի Դրոյի փողոցի 8/1 շենքի թիվ 12 բնակարանի բնակիչ Արմեն Գրիգորյանի N 2256-18 դիմումը, ՀՀ առողջապահական և աշխատանքի տեսչական մարմնում 2018 թվականի հուլիսի 16-ին հարուցվել է վարչական վարույթ՝ ՀՀ առողջապահության նախարարի 2009 թվականի դեկտեմբերի 22-ի թիվ 25-Ն հրամանով հաստատված «Բնակավայրերի տարածքների սանիտարական պահպանմանը, սպառման թափոնների հավաքմանը, պահմանը, փոխադրմանը, մշակմանը, վերամշակմանը, օգտահանմանը, վնասազերծմանը և թաղմանը, բնակավայրերի տարածքների սանիտարական պահպանման, սպառման թափոնների գործածության ոլորտում աշխատանքներ իրականացնող անձնակազմի աշխատանքային անվտանգությանը ներկայացվող հիգիենիկ պահանջներ» N 2.1.7.002-09 սանիտարական կանոններով և նորմերով և ՀՀ առողջապահության նախարարի 2010 թվականի հուլիսի 16-ի թիվ 13-Ն հրամանով հաստատված «Ախտահանման, կրծողասպան և միջատասպան աշխատանքների կազմակերպման, իրականացման և աշխատողների առողջության պահպանման» ՍՆ N 2.2.5-003-05 սանիտարական կանոններով և նորմերով սահմանված պահանջների պահպանումը պարզելու նպատակով:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասը՝ հարուցված վարչական վարույթի շրջանակներում ՀՀ առողջապահական և աշխատանքի տեսչական մարմնի Երևան քաղաքի տարածքային կենտրոնի մասնագետների կողմից հուլիսի 27-ից մինչև հուլիսի 31-ը ներառյալ Երևան քաղաքի Դրոյի փողոցի 8/1 շենքում և հարակից տարածքներում իրականացվել է զննում:

Արդյունքում պարզ է դարձել, որ.

1. Ք. Երևան, Դրոյի 8/1 շենքի աղբամուղների բացվածքների դռները շենքի 1-ին մուտքի 5-6-րդ և 7-8-րդ հարկերի միջանկյալ հատվածներում հերմետիկ չեն փակվում, աղբամուղի բացվածքի դուռը 4-րդ հարկում բացակայում է: Աղբախցիկների դռների վրա առկա է բացվածք: Շենքի աղբահավաք խցերն ապահովված չեն հարթ, բարեկարգ, ամբողջական, լվացման և ախտահանման հնարավորություն ընձեռնող ներքին մակերեսներով, որով խախտվում է ՀՀ առողջապահության նախարարի 2009 թվականի դեկտեմբերի 22-ի թիվ 25-Ն հրամանով հաստատված «Բնակավայրերի տարածքների սանիտարական պահպանմանը, սպառման թափոնների հավաքմանը, պահմանը, փոխադրմանը, մշակմանը, վերամշակմանը, օգտահանմանը, վնասազերծմանը և թաղմանը, բնակավայրերի տարածքների սանիտարական պահպանման, սպառման թափոնների գործածության ոլորտում աշխատանքներ իրականացնող անձնակազմի աշխատանքային անվտանգությանը ներկայացվող հիգիենիկ պահանջներ» N 2.1.7.002-09 սանիտարական կանոնների և նորմերի (այսուհետ՝ N 2.1.7.002-09 սանիտարական կանոնների և նորմեր) 6-րդ կետի պահանջը:

2. Դրոյի փողոցի 8/1 շենքի աղբահավաք խցերում բացակայում է հատականքը, որով խախտվում է N 2.1.7.002-09 սանիտարական կանոնների և նորմերի 7-րդ կետի պահանջը:

3. Բազմաբնակարան բնակելի շենքի 1-ին մուտքի 8-րդ հարկում՝ ընդհանուր բաժնային սեփականություն հանդիսացող տարածքում, առկա են կենցաղային ավելորդ իրեր: Շենքի բակային տարածքները գտնվում է անբարեկարգ վիճակում՝ կան նստվածքներ, ճեղքեր և անցքեր, որոնք նպաստավոր պայմաններ են ստեղծում կրծողների բազմացման, տարածման համար, որով խախտվում է N 2.1.7.002-09 սանիտարական կանոնների և նորմերի 26-րդ կետի 1-ին ենթակետի պահանջը:

4. Դեզինսեկցիայի (պայքար միջատների դեմ) հետ կապված աշխատանքների կատարման համար մասնագիտացված կազմակերպության հետ կնքված պայմանագիր կամ այդ աշխատանքների կատարումը հավաստող փաստաթղթեր չեն ներկայացվել, որով խախտվում է ՀՀ առողջապահության նախարարի 2010 թվականի հուլիսի 16-ի թիվ 13-Ն հրամանով հաստատված «Ախտահանման, կրծողասպան և միջատասպան աշխատանքների

կազմակերպման, իրականացման և աշխատողների առողջության պահպանման»
ՍՆ N 2.2.5-003-05 սանիտարական կանոնների և նորմերի 65-րդ կետի պահանջը:

Ելնելով վերոնշյալից, հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը՝ 2018 թվականի օգոստոսի 02-ին կազմվել է թիվ 23 վարչական իրավախախտման վերաբերյալ արձանագրությունը, որը վարչական իրավախախտումների վերաբերյալ գործի քննության ծանուցագրի հետ միասին ուղարկվել է պատվիրված նամակով հետադարձ ծանուցմամբ: Միջնորդություններ չեն ներկայացվել:

Հարուցված վարչական վարույթի բազմակողմանիությունը, օբյեկտիվությունն ու լրիվությունն ապահովելու նպատակով 2018 թվականի օգոստոսի 13-ին, ժամը 11³⁰-ին ՀՀ առողջապահական և աշխատանքի տեսչական մարմնում (ք. Երևան, Նորք-Մարաշ, Ա. Արմենակյան 129) տեղի ունեցավ վարչական իրավախախտման վերաբերյալ գործի քննություն, որին ներկայացավ «Սևակ» համատիրության կառավարիչ Անուշավան Հայրապետյանը: Վերջինս նշեց, որ վարչական վարույթի շրջանակներում իրականացված զննման արդյունքում հայտնաբերված թերությունների վերացման ուղղությամբ տարվել են աշխատանքներ: Համատիրության կառավարչի կողմից ներկայացվել են դրանց կատարման վերաբերյալ բացատրագիր՝ իր կից ապացույցներով, և զեկուցագիր: Միաժամանակ հայտնեց, որ շենքի աղբահավաք խցերում հատականցքի բացակայությունը բազմաբնակարան շենքի կառուցվածքային բնույթի թերություն է:

2. Պատճառաբանական մաս

Վարչական մարմինը հաստատված է համարում, որ ՀՀ առողջապահության նախարարի 2009 թվականի դեկտեմբերի 22-ի թիվ 25-Ն հրամանով հաստատված «Բնակավայրերի տարածքների սանիտարական պահպանմանը, սպառման թափոնների հավաքմանը, պահմանը, փոխադրմանը, մշակմանը, վերամշակմանը, օգտահանմանը, վնասազերծմանը և թաղմանը, բնակավայրերի տարածքների սանիտարական պահպանման, սպառման թափոնների գործածության ոլորտում աշխատանքներ իրականացնող անձնակազմի աշխատանքային անվտանգությանը

ներկայացվող հիգիենիկ պահանջներ» N 2.1.7.002-09 սանիտարական կանոնների և նորմերի 7-րդ կետով և 26-րդ կետի 1-ին ենթակետով սահմանված պահանջների խախտումը «Սևակ» համատիրության կառավարիչ Անուշավան Հայրապետյանի հակաիրավական, գործողություն (անգործության) հետևանք չէ, հետևաբար վերջինս մեղավոր չէ նշված խախտումների համար:

Վարչական մարմինը հաստատված է համարում, որ «Սևակ» համատիրության կառավարիչ Անուշավան Հայրապետյանի կողմից խախտվել են ՀՀ առողջապահության նախարարի 2009 թվականի դեկտեմբերի 22-ի թիվ 25-Ն հրամանով հաստատված «Բնակավայրերի տարածքների սանիտարական պահպանմանը, սպառման թափոնների հավաքմանը, պահմանը, փոխադրմանը, մշակմանը, վերամշակմանը, օգտահանմանը, վնասազերծմանը և թաղմանը, բնակավայրերի տարածքների սանիտարական պահպանման, սպառման թափոնների գործածության ոլորտում աշխատանքներ իրականացնող անձնակազմի աշխատանքային անվտանգությանը ներկայացվող հիգիենիկ պահանջներ» N 2.1.7.002-09 սանիտարական կանոնների և նորմերի 6-րդ կետի և ՀՀ առողջապահության նախարարի 2010 թվականի հուլիսի 16-ի թիվ 13-Ն հրամանով հաստատված «Ախտահանման, կրծողասպան և միջատասպան աշխատանքների կազմակերպման, իրականացման և աշխատողների առողջության պահպանման» ՍՆ N 2.2.5-003-05 սանիտարական կանոնների և նորմերի 65-րդ կետի պահանջները: (հիմք՝ 31.07.2018թ.-ի զննման արձանագրություն):

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է «Սևակ» համատիրության կառավարիչ Անուշավան Հայրապետյանը: Վերջինիս կողմից վարչական իրավախախտում կատարելու մեջ առկա է «Վարչական իրավախախտումների վերաբերյալ» ՀՀ օրենսգրքի 33-րդ հոդվածի 1-ին մասով սահմանված վարչական պատասխանատվությունը մեղմացնող հանգամանք՝ մեղավորի անկեղծ զղջումը:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության,

քաղաքացիների իրավունքների եւ ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ: Վարչական մարմինը գտնում է, որ «Սևակ» համատիրության կառավարիչ Անուշավան Հայրապետյանի կողմից իրավախախտումը կատարվել է անզգուշությամբ: «Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց հույս է ունեցել կանխելու դրանք, այսինքն Անուշավան Հայրապետյանը կանխատեսել է իր գործողության կամ անգործության հակաիրավական բնույթը, սակայն ոչ գիտակցաբար թույլ է տվել այդ հետևանքների առաջացումը:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ Անուշավան Հայրապետյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես տնօրեն՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 42-րդ հոդվածի 1-ին մասի համաձայն՝ սանիտարական, սանիտարահիգիենիկ և սանիտարահակահամաճարակային կանոնները և նորմաները (բացի սննդամթերքի անվտանգության ոլորտի և մթնոլորտային օդի պահպանության կանոններից և

նորմաներից), հիգիենիկ նորմատիվները խախտելը առաջացնում է տուգանքի նշանակում պաշտոնատար անձանց նկատմամբ՝ քառասնապատիկից մինչև հարյուրքսանապատիկի չափով:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 279-րդ, 281-րդ, 283-րդ հոդվածներով և 282-րդ հոդվածի 1-ին մասով՝

Որոշեցի

1. «Սևակ» համատիրության կառավարիչ Անուշավան Հայրապետյանին՝ որպես խախտում թույլ տված անձի, սանիտարական նորմերի պահանջները խախտելու համար «Վարչական իրավախախտումների վերաբերյալ» ՀՀ օրենսգրքի 42-րդ հոդվածի 1-ին մասով ենթարկել վարչական տույժի՝ սահմանված նվազագույն աշխատավարձի քառասնապատիկի չափով՝ 40.000 (քառասուն հազար) ՀՀ դրամ վարչական տուգանքի:

2. Սույն որոշումը ծանուցել «Սևակ» համատիրության կառավարիչ Անուշավան Հայրապետյանին (ք. Երևան, Քանաքեռ-Զեյթուն, Ռուբինյանց 31):

3. Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

Կ.Տ.



ՀՈՎՀԱՆՆԵՍ ՆԱՎԱՍԱՐԴՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք

նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետքյուքեի հաշվի համարը՝ ՀՀ առողջապահության նախարարության կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա _____

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում _____

Նշում որոշումը պատվիրված փոստով ուղարկելու և ստանալու ծանուցման մասին _____

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)